



## KERATAN AKHBAR

SURAT KHABAR	:	SINAR HARIAN			
TARIKH	:	7/12/2018	MUKA SURAT	:	16
JABATAN	:	KATS / PERHILITAN			
0140KLASIFIKASI	:	<b>PERHATIAN</b>			

# Kerjasama negara luar

*Malaysia harap kegiatan jual beli barangan melibatkan hidupan liar dihentikan*

SARINAH MAT KASIM

SEREMBAN

**M**alaysia berharap negara-negara luar dapat menghentikan penjualan dan pembelian barangan melibatkan hidupan liar.

Menteri Air, Tanah dan Sumber Asli, Dr Xavier Jayakumar berkata, negara seperti China perlu memberi kerjasama dalam



DR XAVIER

usaha melindungi haiwan terancam.

"Malaysia adalah ahli dalam Convention On International Trade in Endangered Species of Wild Fauna and Flora (Cites) sejak 1978, tertakluk obligasi di bawah

konvensyen ini.

"Populasi tenggiling diancam aktiviti jenayah seperti pemburuan haram, penyeludupan hidupan liar dan pencerobohan kawan perlindungan tenggiling juga diburu untuk dijadikan makanan eksotik, dan dipercayai sebagai bahan dalam pembuatan ubat tradisional.

"China salah satu negara yang membeli barangan terlarang ini. Jadi kita berharap semua negara dapat hentikan sebarang pembelian dan jualan hidupan liar terancam ini demi kelangsungan populasi spesies lebih terjamin.

"Jika tiada permintaan, haiwan berkenaan tidak akan diburu lagi," katanya pada Majlis Pelupusan Barang Kes Sisik Tenggiling di Kualiti Alam, di sini.

Menurutnya, selain tenggiling, turut menjadi buruan pemakan hidangan eksotik ialah harimau Malaya, beruang matahari dan Orang Utan.

Katanya, sebelum ini di Malaysia mempunyai lebih 3,000 harimau Malaya, kini tinggal lebih kurang 300 ekor sahaja berikutan aktiviti pemburu haram.

"Harga pasaran mahal mendorong pemburu haram menjadikan tangkapan sebagai sumber pendapatan.

"Harga sisik tenggiling di Malaysia kira-kira RM500 per kg, tetapi di China boleh dijual sehingga RM13,000 setiap kg.

"Bagi harimau Malaya pula, harga di pasaran gelap antara RM100,000 hingga RM200,000 seekor bergantung kepada saiz," katanya.